



## VÁLGALOGAHALLAMA NJULGENGÁIBÁDUSRÁVVAGAT

Sámedikkis addojuvvon lága 26 § mielde olmmoš, guhte oaivvilda, ahte son lea eahpevuoiggalaččat guđđojuvvon eret válgalogahallamis dahje su guoski merkejupmi válgalogahallamis lea boastut, sáhtta čálalaččat gáibidit njulgema válgalávdegottis.

Gáibádusa válgalogahallama njulgemis galgá bargat manimustá 14. beaivve das go válgalogahallama doallan oaidnínláhka lea nohkan, nuppiid sániiguin **manimustá 14.4.2023 ovdal dmu 16.00.**

### Njulgengáibádusreivves galgá almmuhit:

- njulgema gáibidan olbmo nama
- poastačujhusa ja telefonnummira, gosa ášši guoski almmuhusaid gáibádusa bargái sáhtta doaimmahit
- mearrádusa, masa gáibiduvvo njulgen
- maid osiide mearrádusas gáibiduvvo njulgen
- mat nuppástusat mearrádussii gáibiduvvojit bargot
- vuodustusaid, maiguin njulgen gáibiduvvo

Juos njulgengáibádusa bargi hállanválddi geavaha su lágalaš ovddasteaddji dahje áššeolmmoš dahje juos njulgengáibádusa bargin lea gii nu eará olmmoš, njulgenreivves galgá almmuhit maiddá su nama ja ruoktogieldda.

Njulgema gáibideaddji, su lágalaš ovddasteaddji dahje áššeolmmoš galgá vuolláičállit njulgengáibádusreivve.

### Njulgengáibádusreivii galgá laktit:

- **váldegirjji**, juos njulgengáibádusa bargi ieš ii vuolláičále njulgengáibádusreivve ja juos áššeolmmoš ii leat ášševuoddji dahje almmolaš vuoigatvuodaveahkki
- **áššebáhpáriid, maidda njulgema bargi doarjala gáibádusa duvddan**, juos dat eai leat juo ovdal doaimmahuvvon válgalávdegoddái.

Njulgengáibádusreivve sáhtta gáibádusa bargi ieš dahje su fápmudahtán áššeolmmoš sáddet Sámedikki válgalávdegoddái poastta fáro, šleađgapoasttain dahje luohpadit dan

persovnnalaččat/sáttatalbmá bokte. Postii njulgengáibádusreivve galgá guođdit nu áiggil, ahte dat joavdá ovdal bajábealde namuhuvvon mearreáigge nohkama.

**Sámedikki válgalávdegoddi**

**Sámekulturguovddáš Sajos**

**Menesjärventie 2A**

**99870 Anár**

**Telefon: 010 839 3148, 010 839 3155, 010 839 3177**

**Suddjejuvnon šleađgapoasta: : <https://secmail.com/send/m7jcWH7B>, vuostáiváldi:**

**vaalit@samediggi.fi**